


經律異相

卷二十八

四百四十三
倍八

51124



經律異相卷第三十八

梁沙門僧旻寶唱等集

優婆夷部

優波斯那割肉救病比丘一

阿凡和利至心請佛庫中自然皆備二

蘇曼女產十卵卵成一男并其往緣三

孤母喪子遇佛慈誘獸愛得道四

婦人喪失眷屬心發狂癡五

提韋婆羅門女無子自焚遇辯才沙

門聞法悟解六

女人懷妊願欲出家生子之後前心不遂七

難陀燃燈聲聞神力共不能滅八



善信女少悟無常秉志清白為天帝

所試九

優婆斯那割肉救病比丘一

毗紐軋國多信邪見無佛法僧有一女人名

優波斯那僧祇律云名唵卑夫亦名時有事

緣至舍衛國波斯匿王所緣事畢從諸篤信

優婆塞邊聞佛功德欲得見佛即往祇洹值

佛為諸大眾說五戒法優波斯那求從佛受

即得五戒佛復以法句經與令諷誦是時中

夜誦法句經有毗沙門天王從數千夜又欲

至南方毗婁勒叉所聞誦經聲尋皆住聽讚

言善哉姊妹善說法要優波斯那即便問言

汝爲是誰但聞空聲不見有形答言我是鬼
王毗沙門天爲聽法故住於空中又問汝天
我人云何故稱我爲姊妹耶答曰佛是法王
亦人天父同一法味故言姊妹時優波斯那
心大歡喜常使人入林採薪後旦上樹遙見
舍利弗目連及五百比丘在此林中精勤禪
誦使人還白大家優波斯那歡喜無量脫二
金環以賞使者使者復言世尊有好言寄與
大家具說五施復解瓔珞重以賜之使者曰
時起洗手辦具飲食我向輒持大家言請二
尊者及五百弟子今日來食即放使者及與
珍寶告諸家屬及諸隣比設於供具尊者與

諸比丘著衣持鉢就座而坐作禮訖手自行
水下種種食香味具足謂舍利弗言此舍有
神與我親厚我有施時語我此阿羅漢此聖
此凡此持戒此破戒此智此愚舍利弗我有
四子及夫皆惡邪見我若供養三寶給施貧
窮便生嫉恚而我修善布施終不退縮成須
陀洹舍利弗言甚為希有世尊是暮當來毗
軋特林今還所任僧去已後即辦所用往至
佛所觀諸眾僧所止宿處見一病僧卧草窟
中問其所患何所須欲答曰四大不調極大
困苦醫令服新熱肉汁

僧祇律云比丘是常
供養服下藥須肉

斯那言莫復他求我明當送明十五日國法

不殺遍求不得便却使人靜室自浴割股裏
肉以氈纏裹合諸草藥煮以爲羹送病比丘
比丘食已病即除愈其夫尋還見婦色變即
便問言汝何憔悴對曰我病即喚諸醫醫不
能識逼問家人婢具言之夫到街巷大叫呼
言沙門釋子食噉人肉如駁足王佛因制比
丘諸不淨肉其不應食優婆夷言緣我斷肉
即語夫言若能爲我請佛及僧來此設供甚
善若其不能我當捨命夫爲妻故入林請佛
明日舍食佛與衆僧就座而坐問斯那何在
荅曰病佛言喚來夫言汝師喚汝荅曰病苦
不任起佛告阿難汝往告令起阿難即往稱

佛呼之并床輿之來到佛所遇佛光明苦病

即除平復如故僧祇律云比丘入慈即起禮佛

佛為說法得阿那含道夫及眷屬捨離邪見

法受五戒為佛弟子出優波斯那經

阿凡和利至心請佛庫中自然皆備二

維耶離城有一女人名阿凡和利聞佛來遊

歡喜無量與五百女俱詣佛所聞佛說法心

生開悟請佛飯食時城中復有五百長者子

亦請世尊世尊言已受阿凡和利明日請時

長者子語和利言佛之至尊來化我國我應

先飯汝且停供女言勿以豪強加於女弱若

能見惠四願當相讓也一者令我心保善不

移二者令我命保在不亡三者令我財物無
減四者令我佛長住此國長者曰善汝今乃能
悟於無常諸所希願非我能辦聽先飯佛中
有年少耻在其後固執不已便勅市司罷不
貨易和利遣人求索諸物都無所得庫中衆
饑自然滿足唯乏薪炭油灌白氎以充代之
又內城門令不得出啓請於佛即遣鸚鵡往
白食辦長者射之以佛神德箭化為花得至
佛所飛鳴白佛衆祐及僧足踏城門天地震
動五百長者阿凡和利及諸女人見聞此事

逮得法眼受持五戒

出中本起
經下卷

蘇曼女產十卵卵成一兒并其往緣三

舍衛國須達長者末生小女字曰蘇曼面首
最妙其父憐愛將至佛所其女見佛情倍欣
踊願得好香塗佛住室斯女手中有賓婆落
佛從女索便以與佛於上書香還以與之女
共其父還城推買如佛所須持詣祇洹躬自
擣磨日日如是於時特叉尸利國王遣其一

兒使到舍衛廣行觀看復至精舍見蘇曼女
便取為婦後遂懷妊生十卵卵後開敷有十
男兒形貞姝好勇捷非凡然喜田獵母教莫
介諸子白母射獵最樂母今相遮將為見憎
母復告言吾愛汝等是以相制若當憎汝時
終無此言殺生之罪當入地獄無央數劫解

脫何由諸子白母爲自出心從他邊聞母復
告言吾從佛聞兒復問母佛者何人幸願具
宣母告諸子迦維羅越國淨飯王子馱老病
死出家學道得無上果其身丈六三明六通
遐鑒無外諸子啓母求往覲佛母即聽之往
至祇洹奉覲如來佛爲說法十人俱時得法
眼淨便求出家佛聽爲道鬚髮自墮法不在
身精勤大業盡得羅漢盡於苦際過去九十
一劫有毗婆尸佛般涅槃後分布舍利起無
量塔時有一塔朽故崩壞有一老母而修治
之有年少十人偶行覲見歡喜相助所作已
竟誓爲母子從是已來九十一劫天上人中

恒與俱生受福快樂時老母者今蘇曼女是

尔時十年少者今十羅漢是

出賢愚經
第十二卷

孤母喪子遇佛慈誘厭愛得道四

佛在舍衛國給孤獨園有一孤母而喪一子

憂惱愁憤抱屍啼走譬如狂人出至祇洹聞

佛大聖天人所宗宣說經道忘憂除患孤母

見佛作禮長跪願釋憂結佛告孤母汝速入

城遍行街巷有不死家者乞火持還孤母求

不能得空手而反佛告孤母夫人處世有四

因緣不可久保一者常必無常二者富貴必

貧賤三者合會必別離四者強捷必當死汝

今何為不自憂慮何不廣施持戒月持六齋

任力堪能給施孤窮孤母白佛我今愛子入
骨徹髓豈惜身命時佛欲化彼令其得悟即
化作四大火坑圍遶孤母火氣逼身以見自
障佛語孤母汝向自陳愛子情重入骨徹髓
寧自喪身不使子亡火氣逼已酸痛難堪但
當自受以子障乎人間微火蓋不足言地獄
火然疾痛無量畜生懷癡苦餓鬼飢渴苦能
自利者當修布施持戒忍辱不生地獄及餓
鬼等受天人福漸近泥洹時彼孤母內心自
責獸患恩愛即於佛前盡諸塵垢成須陁洹

出曜經
所明

婦人喪失眷屬心發狂癡五

天竺有一人往詣舍衛國婦生兩子大子七
歲次子孩抱母復懷妊欲向在產天竺國俗
婦人臨月歸父母家時此夫婦共乘一車載
其二子詣舍衛城中路放牛時有毒蛇纏繞
牛脚牛遂離秦其夫取牛虵即捨牛殺夫婦
見怖懔啼哭日已欲瞑去家不遠隔一河水
瞑懼抄賊即棄其車攜將二子到於水畔而
留大兒水邊抱小而度涉水始半狼噉其子
叫呼其母母聞其聲轉顧見之驚懔不覺抱
見墮河隨流而逝母益懊惱迷惑失志頓躓
水中墮所懷胎遂便渡水問道行人我家父母
爲安隱不答曰昨日失火皆燒死盡又問行人

聞我夫家姑妯安隱不咎曰遇賊傷害姑妯
皆死愁懼迷悶不識東西裸形狂走行人見
者怪之謂得邪病馳走見佛佛大會說法時
婦見佛意即得定不復愁憂自視裸形慙愧
伏地佛呼阿難取衣與之婦著衣致敬佛即
說經為現罪福即發無上道心立不退轉地

愁憂除散如日無雲發無上心

出婦人遇事
經賢愚經大

同小
異

提韋婆羅門女無子自焚遇辯才沙門聞法
悟解六

裴扇闍國有一女人名曰提韋婆羅門種其
家大富喪婿無兒守寡孤窮無所恃怙婆羅

門法若不如意便生自燒諸婆羅門共往教
化令其願生那羅延天請婆羅門足一百人
施設大會食畢各覲犢牛并從犢者家中所
有諸物施五百婆羅門於恒水邊積薪自燒
婆羅門為汝呪願令汝輕重諸罪一時滅盡
後出生時六親眷屬壽命無量快樂無窮提
韋從之即伐樵薪欲擬自燒國內沙門名鉢
底婆梁言辯才精進持戒多聞智慧常以慈心教
化天下令改邪就正捨惡修善往問提韋言
何用薪火答曰自欲燒身滅除殃罪辯才曰
夫先身罪業隨逐精神不與身合徒自焚燒
安能滅罪禍隨心生心念善法受報亦善心

念惡法受報亦惡餘報亦然云何於苦惱中
求欲滅罪望善報也幸尔不須於理不通如
困病人為苦所逼復遭惡人呵罵聳搏時此
病人寧有善心無忿惱不提韋曰但生忿惱
辯才曰汝今如是先身罪故今若燒身猛炎
起時身體焦爛氣息未絕心未壞故當尔之
時身心被煮識神未離故受苦毒煩悶心惱
從是命終生地獄中苦惱尤劇千百万倍又
如車牛馱患於車欲使車壞前車若壞後車
復扼罪業未盡假令燒壞百千万身罪業因
緣相續不絕猶如阿鼻一日之中八万過死
八万過生終過一劫其罪方畢況復如汝一

過燒身欲求滅罪問曰願聞滅罪方法辯才
荅曰前心作惡如雲覆月後心起善如炬消
闇起罪之源由身三口四意地業行今當一
心單誠懺悔改邪就正捨身受身至成佛道
辯才授十善禁提韋歡喜設種種飲食及諸
珍寶請留教化辯才曰汝受十善法即爲法
友復以化人則爲報効汝已得度我不宜留
復化餘處物無所受於是而去出未曾有
經下卷
女人懷妊願得出家母子爲道皆得成立七
有一女人妊身數月見佛及僧願我生子以
後出家爲沙門及生子後愛念旣隆不遂宿
心子年七歲意忽還悟作二人食及三法衣

持瓶將子行詣佛所白佛言願哀我子使爲沙門令後得道身形如佛佛即聽之母以水灌前洗其兒應時九龍從瓶中出吐水灌兒澡訖殘水散兒頭上於頭上下變成華蓋寶帳交絡并師子座上有諸佛佛時微笑出色光照十億刹還繞佛身從兒頂入母即前行以飯上佛并食其子子發無上平等道意十億佛刹六反震動衆刹諸佛皆自然現佛以母分飯飽衆所佛及諸比丘皆等飽足其飯如故母即歡喜及諸天人得阿惟越致時兒髮墮成爲沙門立不退轉我身是也

出過世佛分衛經

難隨然燈聲聞神力共不能滅八

佛遊在給孤獨精舍波斯匿王供養於佛及
諸大衆眷屬祇洹縱廣百六十里波斯匿王
周遍然燈民人競看貧女難陀居無舍宅問
行路者知波斯匿以油千斛爲佛然燈難陀
自責我以何故獨貧如此即入街里家家乞
匄得少雜飯心自念言我當賣之以爲燈直
賣得一錢賣詣油家油家問女持一錢油作
何福德難陀答言欲爲佛然燈主聞之助其
喜踊持一燈油即施與之貧女歡喜受到祇
洹佛告阿難言有大長者興無上福不能自
到開門使前波斯匿王聞佛此教尋自思惟
吾於舍衛一國之尊興起道供豈殊我者佛

何以故不讚於我復稱長者須臾貧女來到
佛所然所賣燈當佛之前而發大願並爲一
切求佛知見今此光明徹於十方幽冥惡道
悉皆休息如是便退至明晨朝賢者目連歷
檢諸燈難陀所然光獨如故目連即吹吹不能
滅便以神力持五恒水激亦復不滅次以隨
藍大風飄不能滅盡其神力竟不能滅心懷
恐懼佛告目連然此燈者有殷重心以是之
故燈爲常明設羅漢舍利弗等及辟支佛神
化功德共滅此燈不能滅也今金翅王搏大海
水若師子王震吼犇騰共滅此燈終不可滅
難陀女人以日出時自往案行昨所然燈燈

亦不滅光不缺減即大歡喜稽首佛足佛知
女心求無上道放五色光從口中出佛每說
法三乘之業授聲聞別光從頂入授辟支佛
別光從兩眉間入授菩薩別光從口入佛之
笑光上至三十三天皆悉通達已便迴還繞
佛三帀從口入時阿難起問佛言阿難汝見
昨夜然燈女不此女壽終因是功德轉女人
身當作男子却後二十劫不墮惡道即生諸
天及金輪王二十劫後當得作佛号三曼陀

優訶

出貧女
難陀經

善信女少悟無常秉志清白為天帝所試九
佛在舍衛國時有長者女名曰善信年始十

五爲人慈孝智慧博達少小常有願不樂
世俗之事坐自思念万物無常當歸於死年
壽萬歲亦皆當死天地當壞敗何況人身念
我當受如是各責苦痛難言死後魂神當入
惡道酷毒勤苦獨當受之本從何出忽有瞋
恚恐怖愁憂或時歡喜有此無常之事不見
來時去至何所是輦往來無休無息念我父
母諸家兄弟中外五種親屬不知罪福貪欲
無厭我年三五以許他男諸家兄弟飯食酒
肉受取匹帛念我身當往受患難拘質縛結
不可得離當如之何爲此生老不如及我今
日清淨當發上願求覓安隱長樂宮殿可以

自娛不宜蹈濁沒於三塗不覩光明長與苦
俱便正一心自誓持我身命自歸有神有靈
知我心誠今時天神現於虛空語善信言若
當自歸西方安隱清淨法國且當先向十方
禮拜慈心敬意念必達也已便不現今時善
信踊躍歡喜便自澡浴燒香散華向十方禮
叉手自思念一切人即有天神於空中言汝
當正心向於西方說此一頌以是讚歎阿彌
陀佛善信即向西方如神所勅天地大動諸
有困厄皆得解脫疾病即除毒痛安隱愁憂
歡樂盲聾得瘥瘖瘂能言不善皆善不信皆
信人非人等各得所願善信燒香散花而說

頌言正心閉目數息思惟身中之事帝釋化
作端正男子年十八九手抱黃金住善信前
以頌調之善信正心以正頌答訶男女過帝
釋踊躍叉手勞之欲何求索普世無雙功德
洋洋不可稱量願相告語於是善信聞釋讚
歎信心歡喜地為大動即為說偈願奉佛法
釋大歡喜便令化滅善信燒香自歸諸佛佛
與大衆俱即飛行到善信家父母兄弟見佛
飛空莫不歡喜善信前禮遶佛百帀佛便微
笑無數光出語以戒法繞身百帀還從頂入
即授二十四戒佛言是為我優婆夷高行三
八二十四戒善信歡喜而得七任便於佛前

化身為男父母兄弟皆受五戒出善信摩

經律異相卷第三十八

傍

啖卑

上角反所股

音古胜

駁

必角反

反

床輿

下音全

也

憤

下俱反

離

恭

下音卷穿

抄

賊

上楚反劫

頓

初僅施

躓

下音致貞

姑

公

下正

裴

扇

上音

嘍

初僅

施

創

今作

聳搏

上息反

縱廣

上足容

犇

同奔字

勃

反并

